



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

Cöcilij Hierosolymitani ad Aegyptios pro Athanæ sio epistola. Capvt XXI.

**urn:nbn:de:hbz:466:1-12718**



eosque cohortatus est, ut ei, utpote suo antistiti parentes, precibus & orationibus deum religiose colerent. Quod si qui malevolentia suffusi, se seditiosos ostenderent, eos secum dum leges de eiusmodi hominibus sancitas penas duros. Dedit præterea mandatū, ut literæ, quas contra Athanasium, & eius cōmunionis participes è tabulis publicis eximerent, atq; ut clerici quoq; illius pristina immunitate, quæ ipsorum ministerijs tributa fuerat, frueretur. De qua re scripsit etiā ad Aegypti & Libyæ præfides. Athanasius autē cū venisset in Aegyptū, quotquot sectæ Arianæ deditos cognoscebat, eos abdicavit: quorum verò fidē habebat exploratē cognitā & probatā, illis ecclesiarum cōcredidit administrationem, fidē concilij Nicæni tenere, eiq; studiose adhærere iussit. Dicitur porrò per alias quoq; nationes eodē tēpore iter faciens, si quas forte ecclesias ab Arianis occupatas offenderet, eodē modò cū illius egisse. Itaq; istud demū ei criminis loco obiecerunt: quòd scilicet in urbibus nihil ad se pertinentibus, ministros ecclesiæ instituere auderet. Verū cū inuitis etiā aduersarijs res propter reditū ei prosperè succedere, & propter amicitia Constāntis imperatoris à nemine cōtemni, sed in maiore, quàm antè, honore haberi videretur, cōplures etiā episcopi, inimicitijs erga illum depositis, cum eo communicarunt, in quorum numero fuere episcopi Palæstini. Nā cū id tēporis per Palæstinā trāsiret, eum beneuolè & humanitus exceperūt: atq; cōcilio Hierosolymis coacto, Maximus & alii episcopi pro eo scripsere ista.

*Cōcilio Hierosolymitani ad Aegyptios pro Athanasio epistola.* CAPVT XXI.

*Sanctum concilium Hierosolymis coactum, episcopis Aegypti, & Lybiæ, & presbyteris, quoque & diaconis, & populo Alexandriae, charissimis & cū primis desideratis fratribus in Christo.* S.

**D**Eo vniuersarū rerū moderatori, fratres chariss. pro admirabilibus beneficijs, cū quæ oī tēpore in nos, tum q̄ modò in vestrā ecclesiā contulerit, Athanasium pastore vestrū, & dñm ac collegā nostrū vobis reddēdo, nullomodo dignas gratias agere possum⁹. Nā q̄s aliquādo sperare poterat se oculis ista aspecturū, q̄ vos iā estis re ipsa consecuti? Sed ve-



SOZOMENI HISTOR.

Sed vestrae preces sine dubio sunt exaudita ab omnium rerum gubernatore Deo, qui vestrae curam gerit ecclesiae, qui vestras lachrymas & lamenta intuitus est: ac propterea vestris orationibus aures clemens adhibuit. Eratis enim tanquam oves abiectae, male vexatae, non habentes pastorem. Et ob hanc causam, qui verus pastor est & suarum ovium diligens curator, in vos de caelo respexit, & quem desiderabatis, vobis benignè restituit. Quinetiam nos omnia, quae ad pacem ecclesiae faciant, molientes, & vestrae aspirantes charitati, eum antè amicè amplexati sumus, quàm ad vos venerit. Atque cum eo comunicantes, has salutationes ad vos, & vota nostra gratulandi causa per illum misimus ad eum finem, ut intelligatis tum nos vinculo charitatis cum eo colligatos esse, tum vos debere pro religiosissimis sanctissimisque imperatoribus Deum sedulo precari, qui vestro perspecto desiderio, & eius sincera pietate cognita, illum vobis honorificentissimè restituere dignati sunt. Quare obvii, ut aiunt, vobis eum complexi, debitas preces cum gratiarum actione Deo, qui hoc beneficium vobis tribuerit, pro eo adhibere laborate, quò vos perpetuò, Dei largiente gratia, laetemini, & dominum Deum laudibus efferatis in Christo Iesu, domino nostro, per quem patri sit gloria in perpetuù. Amen.

*Valentis & Ursacii Arianorum ad episcopum Romanum confessio, quòd falsa conficta quae fuerunt, quae contra Athanasium loquuti sunt.*

CAPVT XXII.

Atque haec quidem concilium Hierosolymis convocatum, ex Palaestina scripsit ad hunc modum. Undè certissimum extabat argumentum, episcopos Tyri congregatos iniuste Athanasium condemnasse. Nam Valens & Ursacius, qui cum Theognide, ut supra dictum est, in Mareotem proficiscebantur, quæsitum, utrum sacrum calicem, sicut ab Ischirione accusatus fuerat, cõfregisset nec ne, poenitentia inducti, haec ad Iulium episcopum Romanum scripserunt.

*Domino Beatissimo Papae Iulio Ursacius & Valens. S.*

Quoni-